



علیرضا ذیحق

قرآن ناغیل لاری

اسکندر و خضر نبی نین داستانی

نوح دان سونرا شرق ایله غریه حؤکوم سوره ن تکجه بیري وارمیش سادا
،اودا اسکندر ایدی. اسکندر کی ذولقرنین و عیاش آدیله ده اوننان یاد اولوری

تانري طرفيندن ائله بير گوجه و بيلي گه صاحب ايدي كي هر نه ايراده
اڭدیردي اولوردی. حتتا بولوت لاردا اونون امرين ده اولاراق اونلارا مينيب
دونيانين هاراسينا كؤنلو ايسترسه گنديردي و اونون ده ائله بير ايشيق
ساچيليردي كي گنجه ده ، گوندوز كيمي ايشيق اولوردی. او يئر اوزونده او
تورپاقلارا جان ظفر بايراقى داشيدي كي گونشين چيخديقي و باتديقي يئر
لره قَدَر ، كيمسه قالمادي اونون آدينى ائشيت مه سين .
اسكندرين آناسى روم امپراطورونون قیزی " هلاله " ايدي. هلاله آغير بير
خسته لى يه ياخالاناراق اسكندروس آدلى بير آغاجين يارپاقلارى نان
ساغلام ليغيني تاپير كي بو اوزدن ده اوغلونون آدينى اسكندر سسله بير .
اسكندر تانري نين ايلهامينى قلوبنده دوياركن ائله بير قودرته وييليگه صاحب
ايدى كي هر نه يى ائشيديردي و هر بير گيزلين سيررى گؤزلردن اوخويوردى.
اسكندر، خلقي بيرجه تانري يا دعوت ائتمك اوچون گؤره و تاپيب آلاهي
امرى ايله آزجا بير قشون لا يولا چيخير . اسكندر هانسى اؤلكه يه چاتير
حيكمت لى سؤزلرله آلاهي عظمى نى ياد ائديب تانري يا اينام بسله ين
لره بركت ديله بير.

هانسى بير خلق ده آلاهي بير لى ييني دانيب اينكار ائديردي قارائلىق هر
يئرى بوريوردى. گوندوزون ايشيقي طولمته چئوريليب كيمسه ، كيمسه نى
گؤرموردى. آنجاق اينسانلار بئله بير معنوي گوجو اسكندرده و اونون كلاميندا
گؤره ركن بيرجه تانري يا ايناناركن عذاب دان قورتولوردو لار.

اسكندر بئله ليك له يئر اوزونون سولطان ليقينى قازاناراق بير يئره چاتير كي
اورانين آداملارى ، ياجوج ماجوج دان سؤزآچيب قورخولاريندان داغلارا
سيغينميش ديلار.

ياجوج ماجوج لار آداما بنزه سه لرده هئچ بير ديل قانمير ديلار. اونلارين بوي
بوخونو دؤرد بئش قارش اولاراق لوت و چيپلاق گزير ديلر. ساغ سول
قولقلارى دا بير بيريندن فرقلى ايدى. بير قولاق لارى قىللى ايدى بير قولاق

لاري يون لي.قولاق لاري دا ائله زيرپي ايدي كي ياتاندا بيريني دؤشك ائدير
ديلر بيريني يورقان .اونلار ين يئديك لري تكجه نهنگ ايدي و هميشه طوفاني
گؤزله ييب او نهنگ لري گوده رديلر كي طوفان اونلاري ساحيله آتديقدا بير
داها دريايا دؤنن مزديلر. آنجاق نه زامان كي ساحيل ده يئمك لري اوچون
نهنگ اولموردي ، قارينلارين ديورماق اوچون تارلا لارا هوجوم چكيب بوتون
بيتگي لري و جانلي لاري بيرتيجي ديش لري له ديديب دئشه رديلر.اونلار
آري كييمي ويزيلتي يا دوشدوك ده سس لري جانلارا قورخو سالاركن ايلان
لار و عقرب لرده قويوب قاچارديلار.

اسكندر هوندور بير داغا چيخاراق اونلارين سايسيني او قَدَر چوخ گوردو كي
اگر او داغ دان آشماقي باشار سايديلار ، دونيادا هئچ بير ياشيل ليق و جانلي
ليق قالما ياجاق ايدي.

اسكندرين گؤستريشي ايله جماعت ، دمير و ميس معدن لريني داغلار
قوينوندا تاييب آله كئچيره رك ، قاينار ميس لر له دمير لري بير بيرينه قاتيب
ايكي داغ آراسيندا ائله بير سد ووردولار كي سدين بويو داغلاردان دا اوجا
اولدو . يا جوج و مأجوج لار چوخ چاليشسالار دا، سد دن آشماقي باشارا
بيلمه ييب آج ليق ، سوزلوق و يورقونلوق دان هاميسي قيريليب اؤلدولر.
اسكندر دونياني دولاشيب فتح ائتديك ده تانري نين آن مقدس ملك لرinden
بيري " رَفائيل " ده اونونلا بيرليك ده ايدي كي بير گون اسكندره قارانليق لار
دونياسيندا اولان حيات چشمه سين دن سؤز آچدي و دئدي: " كيমে او
بولاغين سويوندان ايچير سه يشار اؤلمز بير حيات سوره بيله ر. "
آنجاق " رَفائيل " او يئرين هاردا اولدوغون دان سؤز آچمادان قاناد گريب عرشه
گئتدي .

اسكندر بو حيات چشمه سي نين سويونا آل تاپماغا خاطر اون ايكي ايل
قارانليق لار وادي سينه ساري آلتني مين آتلي ايله يول دؤيدو و چاتديلار بير
يئره كي داها گؤز گؤزو گؤرموردي. اسكندرين ايسته يي اوزره بير ماديان كي

اونون گۆزلىرى قارانلىقىدا ايشىلداركن اۋنونه نور ساچىردى حاضىر لاركن
اسكندره تقدىم ائتدىلر.بو آرادا " خضر نبى " كى مېن نىرلىك بىر قوشونون
باشچى سى ايدى قشون لا بىر لىك ده اسكندرى تىك قويمايىب اونولا
آياقلاشدى. اسكندر كى چوخلى بىلىك لره و مهارت لره صاحب ايدى سىر
كىمى گىزىلت دى يى گىردە قىرمىزى مۇهرە لره صاحب ايدى كى اونلارى
يئره ووردوقدا پاتلاركن هر يئر ايشىق اولوردى. اونلاردان بىر نىچە سىن ده
وئردى خضر نبى يە كى لازىم اولورسا فايدالانسىن .

اسكندر و ظولماتا آياق باسان بوتون قشون ، يو لو چاشىب بىر بىر لىرىنى
ايتىره ركن تىكجە خضر نبى ائده بىلدى كى او چشمە نى تاپىپ سويون دان
ايچە رك ايچىندە دوشوب چىم سىن . حىات چشمە سى نىن سويو يئر دن
چاغلایىب جوشاراق قارانلىقى بىر آى پارچاسى تىك ، ايشىق ائدىردى. سويو
سود دن بياض ، پارلاق لىقى ياقوت دان ايشىلتي لى و دادى بال دان شىرىن
ايدى. خضر نبى بئله لىك له ياشار بىر حىاتا قاويشاراق اسكندر و خضر نبى
نىن قشونو بىر چؤل دن باش چىخارتدىلار كى اورانىن قوم لارى لعل ايله
مىروارى ايدى و اۋن لىندە ده محتشم بىر ساراي گۇرونوردى.

اسكندر ، ساراين پىللە لىرىن دن يوخارى چىخاراق شوكت لى بىر تا لارا
اوغرادى و دامام چىخدىقىدا ، دونيادا هر نه يە گۇزل و سئويملى دئىلىردى ،
گۇزلىرى اۋنون ده نقش اولدى. اسكندر بو گۇزل لىك لره واله اولاراق بىر دن
بىره بىر جوان گۇردو كى سىماسىندان نور جالاناراق آغ آباغى ايك پالتار لار
گئىب دى. او ياخىنا گلىب اۋزونو تانىتىردى و دئدى : " من صور اسرافيله م
و آلاىه تعالانىن امرى له بوردايام كى هاچان بويورسا دونيانىن بىتمە سى نى
،آلىم ده كى شئىپورى چالماقلا اعلان ائده م ."

اسكندر درىن دوشونجه لره دالاراق ، صور اسرافيل دن آيرىلدى و او سئحىر
لى گۇرونون و عجايب لى له دولو قىردن دىشارى چىخدى. سونرا قشون لا

بیر لیك ده دوشدو یولا کي گندیب لشکره چاتسین کي ایندی اونلاردا نیگرا
ن ایدیلا.

بئله لیك له اسکندر بئش یوز ایل یاشایاراق ، تاکی واریدی، بوتون یئر اوزون
ده کي اولکه لره اقتدار لا و توحید شعاری نان حؤکوم سوردی .

zihagh@yahoo.com